



21. august 2008

Inatsisartut Ingerlatsinermut Inatsisaanni § 36, stk. 1 malillugu imaattumik Naalakkersuisunut apeqquteqaateqarpugut:

Naalakkersuisunut apeqquteqaat namminerssorueq pillugu

(Demokraatit inatsisartuni gruppiat)

Tunngaviigineqartoq

1.Namminersorueq pillugu isumalioqatigiissitat isumaliutissiissutaanni takuneqarsinnaavoq, pisinnaatitaaffiit pisussaaffiillu aatsikkutigiaarneqassasut. Namminersornerulernermut aaqqissuussisoqernerani imaappoq, Danmarkip Kalaallit Nunaannut aningaasartuutit matussusissagai, tassa siornatigut Danmarkip pineqartuni ingerlatsisimaneq eqqarsaatigalugu. Suna tunngavagineqarpa, namminersorueq pillugu siunnersuummi Danmark pisussaaffeerummat aningaasartuutissallu Kalaallit Nunaannut matussusertussaajunnaarlugit?

2.Demokraatit soqutigalugu Namminersorermi tiguneqarsinnaasut pillugit nalunaarsuusiat misissorsimavaat. Kissaatigaarput Naalakkersuisut naatsorsuusiussasut, erseqqivissumik oqaluttuulluta, tigusassat ataasiakkaat qanoq akeqarumaarnersut. Naatsorsuusiat skemanngorlugit takussutissiareqquneqarput.

- a. Tamatuma saniatigut Demokraatit kissaatigaat, Naalakkersuisut takussutissiuussagaat, Naalakkersuisut isumaqarnersut ilumut tigusinissat aningaasalersorsinnaajumaarnerigut.
- b. Kiisalu Demokraatit paaserusuppaat, suut takussutissiani ilaatinneqannginnersut tigussagaannilu qanoq naaleqarumaarnersut?

3.Isertugaanngilaq, Namminersornerullutik Oqartussat tigusimasaat aserfallassimaqimmata. Naalakkersuisut qinnuagineqarput Namminersornerullutik Oqartussaqarnitta nalaani tigusimasavut nalunaarsussagaat. Tiguneqarsimasut tamaasa immikkut Naalakkersuisunit nalunaarusioqquneqarput qanoq nalilerumaneraat, tamakku ullumikkut atuugartujussutsimut inooqataaffigisassatut naleqqussassagaanni akeqarumaarnersut. Assersuitalugu taasinnaavavut, ullumikkut atugartujussutsimut naleqqutinngilluinarmata angerlarsimaffiit nutarterneqarnissaminnut kinguartoorujussuarsimasut, kisiannili tassa tamakkiisumik takussutissinneqarusupppugut.

- c. Tamakku saniatigut Naalakkersuisunit akissuteqarfingequarput, qanoq iliorluta pinngitsoortissinnaanerippuit siunissami akisussaaffeqarfennik tigusinissaq, Kalaallit Nunaata inuiaqatigiillu suli aningaasaqarnikkut piareerfiginngisaanni.

4.Naalagaaffiup ataatsimoortumik tapiissuteqartarnerata ersersippaa, Danmarkip akilertartussaagai Namminersornerullutik Oqartussat tigusimasaat Danmarkimi pineqartut tigummigallarneranni aningaasartuutaasartut malillugit. Namminersorueq pillugu isumalioqatigiissitat isumaliutissiissutaanni aningaasaqarnermut isumaqatigiissutaasimasut malillugit, Danmark



siunissami taakkunuunatigut sipaaruteqartussaavoq, tassami aatsitassatigut isertitat ataatsimut tapiissutiniit ilanngaatigineqartartussaammata. Naalakkersuisut inissaminiissorinerpaat, Namminersorneq pillugu isumaqatigiisummi Danmark akiliisussaajunnaarsinsneqarmat, naak tamakku Danmarkip akiligassarpiarigaluarai? Akissut tunngavilersorluagaasoq paatsoorneqarssinnaanngitsorlu ilanguteqquneqarput.

5.Tulliuttuni Namminersorneq pillugu isumalioqatigiisitat isumaliutissiissutaanni erserpoq: "*Aamma isumalioqatigiisitat isumaqarput ukiuni kingullerni inuiaqatigiit aaqqissuussaanerisa aamma inuutissarsiutit ilinniartitaanerullu iluani allangortiterinertigut iliuutsinik aallartitsisoqartoq inuiaqatigiit kalaallit aninggaasarsiornikkut imminnut napatinneqarputkinguneriumaagassat naatsorsuusiornerisigut nassuaatigeqqullugu, iluarsartusseqqinnerit iliuuseqarfigisassallu suut, Naalakkersuisut aallartissimaneraat qanorlu taakku inuiaqatigiit kalaallit aninggaasaqarnikkut imminnut napatissinnaanerulersimanerai.*

6.Namminersornerup ilusissaatut takussutissiaagallartumi takuneqarsinnaavoq, pisortatigut oqaatsit tassaasut kalaallit oqaasi. Tamanna qanoq danskit oqaasiisa atorneqarnerannut ilinniartitsissutigineqarnerannullu kinguneqassava?

- d. Qanoq iliorlutik Naalakkersuisut qulakkeerniarpaat, danskit meeqqatta inuusuttattalu pisinnaasaasa ima pitsaatiginissaat, Danmarkimi nangitsiviusumik ingerlariaqqinnissaminnt naallerneqassanatik?
- e. Imaannerpa Naalakkersuisut isumaqartut, danskit oqaasi aamma siunissami pisortatigut akuerisaasumik oqaasiussasut taamalu Inatsisartut oqaluttarfianniit atorneqarsinnaassalluutik?

7.Suummitaava pissutaappat, Namminersorneq pillugu isumasioqatigiisitat killiffigisimammassuk, kalaallit inuiattut taaneqassasut imaanngitsoq nunap inoqqaavi? Naalakkersuisut qinnuigineqarput akissuteqaamminni nassuaatigeqqullugu taaguutit taakku marluk suna assigiinngissutigineraat kiisalu nassuaatigissallugu suut pitsaaqtaallutillu ajoqtaassanersut, kalaallit inuiannik nunalluunniit inoqqaavinik taaneqassappata.

Innuttaasut taasitinneqarnissaannut unammineqalertussaammat Naalakkersuisut qinnuigineqarput aapeqqutit sukkancerpaamik akissuteqarfingeqqullugit suliisarnitsinni periarfigitinneqartartutut ullut suliffusut qulit ingerlaneranni.